

Nama Reti Kristen?

BAGI KE ENAM

Kitai ENDA TAU ENDA merita ka Injil TUHAN!

Jesus meri pesan; ¹⁹*Nya alai bejalai kita ngagai semua bansa orang di sebarang endur lalu ajar sida nyadi murid Aku; (baptisa sida dalam nama Apai, enggau Anak, enggau Roh Kudus),* ²⁰*lalu ajar sida ngasi (berati sereta ngereja iya) ka utai ti udah dipesan Aku ngagai kita. Aku deka seruran deka enggau kita datai ka pepadu dunya” (Matthew 28:19, 20).*

- a) Jesus madah ka ngagai bala murid Iya, bejalai ngagai serata dunya, nusoi ngagai genap iko orang pasal Iya ti udah mayar ukum dosa mensia. Ngagai sapa ti arap, dalam iya, penyalah sida deka di ampun lalu bulih pengidup ti meruan belama iya enggau Allah Taala. Tang sapa ti enda arap pematil belama iya enda ulih diseliah ka sida. *“Bejalai kita ngagai serata dunya lalu nusoi Berita Manah ngagai semua mensia. Barang sapa ti arap lalu dibaptisa, iya deka idup baru (bulih pengelepas ari pematil), barang sapa ti enda arap deka kena ukum.” (Mark 16:15-16).*
- b) Anembiak Kristus diatu di serata dunya, nusoi Berita Manah tu ngagai sida ti apin ninga berita pasal Kristus. Tu meh kuasa ti meri peransang ngagai orang Kristian ulih merita ka Injil Kristus, sereta numbuh ka gerija Iya di semua endur.
- c) Orang ti arap deka dibaptisa, baptisa ai ukai ngidup ka (ukai ngelepas ka) orang, tang baptisa tu meri sida ulih besaum enggau Kristus dalam pematil enggau pengangkat Iya dalam pengidup ti baru. Baptisa tu tanda kitai nyerah ka diri ngagai Kristus, besedia deka idup dalam jalai TUHAN, lalu ka kelai kitai udah nyadi anembiak Kristus. Utai ti ngelepas ka kitai ianya pengarap (arap ka Jesus mati kategal dosa) enggau pengasih ti diberi Allah Taala.
- d) Bakani Jesus ulih begulai enggai kitai selalu? Dalam (**John 14:26**) Jesus bejanji deka meri Penyaup, lalu Iya enda neju ka kitai kadiri. Nya meh tanda Krsitus agi mengkang begulai enggau kitai nengah Roh Kudus (Roh Kristus).
- e) Nusoi Berita Manah tu chara TUHAN ulih ngampun penyalah mensia. Enti kitai enda nusoi Injil Kristus, dosa sida enda ulih di ampun. *“Enti kita ngampun dosa orang, sida di-ampun; enti kita enda ngampun sida, sida enda di-ampun” (John 20:23).* Kitai mensia nadai kuasa ngampun dosa orang, semina Jesus aja ti ulih. Tang ngambi ka dosa sida di-ampun, kitai enda tau enda merita ka Injil pasal Jesus ti udah mati ka dosa orang mayuh, awak ka sida tau ngesal sereta ngelengka ka dosa lalu bisi pengarap ngagai Jesus.

Udah tu peda BAGI Ke Tujuh – Jaku Tangkan.....